



Nigrán acollerá este fin de semana dúas competicións deportivas, que congregarán a máis de 300 deportistas e 2.500 persoas da súa contorna.

Clasificatoria nacional de Surf

O club de surf Prado Sur Escola organiza por terceiro ano consecutivo o clasificatoria nacional "Promesas do Surf e de Bodyboard Nigrán 2012", un torneo incluído nas clasificatorias para o Campionato de España Promesas 2012, e que contará cuns 80 surfeiros procedentes de todo o territorio nacional. O evento terá lugar os próximos días 17 e 18 de marzo na praia de Patos desde primeira hora da mañá, e a súa duración estará supeditada ao estado do mar.

Modelo de competición

Esta proba, que mantén o formato instalado o pasado ano, é a segunda clasificatoria do campionato nacional de promesas, que se celebrará na Fontanilla (Conil, Cádiz) o próximo mes de outubro. Os primeiros clasificados en cada categoría gañarán unha praza para dita final. O resto de competidores sumarán puntos para o ranking de promesas, que contará as súas dous mellores resultados para completar as prazas libres na gran final nacional.

VIII Trofeo BTT Concello de Nigrán

Ademais, o circuío de Monteferro acollerá este próximo sábado a partir das 16:00 o "VIII Trofeo BTT Concello de Nigrán", puntuable para o ranking da Real Federación Española de Ciclismo (RFEC) e para o Open de Galicia desta modalidade. Para ese día a firma organizadora Team Relay, deseñou un circuío de 5200 metros de gran vistosidade tanto para o público como para os corredores durante toda a tarde, xa que os participantes na categoría reina darán un total de seis voltas.

Do mesmo xeito que en anos anteriores espérase unha gran participación, contorna a uns 250 corredores e uns 2.000 acompañantes, entre os que destacan varios campións de España e Portugal. Os participantes nas distintas categorías repartiranse un total 1150 euros en premios. Ademais do evento deportivo, a organización preparou unha serie de actividades para o público asistente, entre as que destaca unha zona de exposición onde algunhas das marcas do sector presentarán as súas novidades.